

- 1. KANTONALNO TUŽILAŠTVO KANTONA SARAJEVO – ul. Radićeva br. 6, Sarajevo, kojeg zastupa Glavna Kantonalna tužiteljica Kantona Sarajevo DALIDA BURZIĆ, ID: 4200223290004, (u daljem tekstu: Kupac);**
- 2. DEFTER d.o.o. Sarajevo, Gatačka 20, 71000 Sarajevo, kojeg zastupa direktor Refik Redžović, ID: 4200303990007, (u daljem tekstu: Dobavljač);**

zaključuje se slijedeći:

**UGOVOR
O NABAVCI ROBA - TONERA, KETRIDŽA I DRUM-OVA
(PHOTOCONDUCTORA) ZA POTREBE KANTONALNOG TUŽILAŠTVA
KANTONA SARAJEVO**

Član 1.

Predmet ovog Ugovora je nabavka i isporuka roba – tonera, ketridža i drum-ova (photoconductor) za potrebe Kupca, za koju je sproveden otvoreni postupak nabavke, a Dobavljač dostavio ponudu broj: 9-10/18 od 09.10.2018. godine, koja odgovara uslovima iz tenderske dokumentacije broj: A-III-49/18 od 24.09.2018. godine, na osnovu čega je Dobavljač izabran da izvrši nabavku i isporuku robe koja je predmet ovog ugovora. Sastavni dio ovog Ugovora je prihvaćena Ponuda Dobavljača broj: 9-10/18 od 09.10.2018. godine.

Član 2.

Ugovorna cijena iz člana 1. ovog ugovora je u iznosu od 29.644,31 KM (slovima: dvadesetdevethiljadašeststotinaičetrdesetčetiri i 31/100 KM) bez PDV-a i 34.683,84 KM (slovima: tridesetčetirihiljadešeststotinaiosamdesetri i 84/100 KM) sa PDV-om.

Član 3.

Dobavljač se obavezuje da robu koja je predmet ovog ugovora isporuči prema utvrđenoj tehničkoj specifikaciji u Aneksu 3. tenderske dokumentacije, uslovima iz tenderske dokumentacije i prihvaćene ponude.

Član 4.

Dobavljač se obavezuje da će isporuku robe izvršiti u roku od najkasnije 48 (četrdesetosam) sati po dostavljanju narudžbenice, odnosno dobijanja pismenog ili usmenog zahtjeva za nabavku robe na adresu Kupca, Sarajevo, Radićeva 6.

Član 5.

Ukoliko se nakon prijema robe od strane Kupca pokaže da roba ima neki nedostatak koji se nije mogao otkriti uobičajenim pregledom prilikom preuzimanja robe, odnosno ima skriveni nedostatak, Kupac je dužan o tom nedostatku bez odlaganja obavijestiti Dobavljača. Kupac će obavijestiti Dobavljača ukoliko isporučena roba ometa ispravan rad uređaja za koji je namijenjen, odnosno ukoliko isporučeni toner/ketridž/drum „prlja“ stranice ostavljajući trag sa strane gdje štampani tekst ne bi trebao biti, ukoliko uređaj kod štampanja proizvodi čudne zvukove uzrokovane neispravnim tonerom/ketridžom/drum-om i slično, te ukoliko isporučeni toner/ketridž/drum nije u potpunosti u skladu s traženim karakteristikama, te zahtijevati od Dobavljača da mu zamijeni neispravni isporučeni toner/ketridž/drum. Dobavljač će, nakon što je saznao da roba koja je predmet nabavke ima nedostatke, u najkraćem mogućem roku izvršiti zamjenu neispravne ili neadekvatne robe, a najkasnije u roku od 24 (dvadesetčetiri) sata.

Član 6.

Dobavljač se obavezuje na garantni rok u trajanju od minimalno 24 (dvadesetčetiri) mjeseca od momenta isporuke.

Član 7.

Plaćanje će se izvršiti najkasnije u roku od 60 (šezdeset) dana od datuma ispostave fakture za uredno isporučenu robu. Plaćanje se vrši putem JR Trezor Kantona Sarajevo na žiro račun Dobavljača broj: 186 182 031 003 7735 kod Ziraat banke.

Član 8.

Dobavljač se obavezuje da isporuči robu Kupcu koja je po svim karakteristikama identična karakteristikama navedenim u tehničkoj specifikaciji i dostavljenim uzorcima uz ponudu. Kupac zadržava uzorke do potpune realizacije ugovora, kako bi u toku realizacije provjeravao da li se Dobavljač pridržava obaveza preuzetih ugovorom i uslova navedenih u tenderskoj dokumentaciji. Svi isporučeni toneri/ketridži/drum-ovi moraju biti novi, fabrički proizvedeni, sa zaštitnom trakom, ne smiju biti reciklirani, refilovani i ponovo punjeni. Svi isporučeni toneri/ketridži/drum-ovi moraju imati isti naziv proizvođača, odnosno marku navedenu na kaseti tonera kao i na kutiji.

Član 9.

Jedinične cijene i ukupna cijena iz ponude, navedene u članu 1. ovog ugovora se ne mogu mijenjati u ugovorenom periodu, a sve u skladu s tenderskom dokumentacijom.

Član 10.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, u suprotnom, priznaju nadležnost Općinskog suda u Sarajevu.

Član 11.

Na ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 12.

Ovaj Ugovor se zaključuje na određeni period do dvije godine od dana obostranog potpisivanja Ugovora, odnosno do potpune finansijske realizacije nabavke iz člana 1. ovog Ugovora.

Član 13.

Ovaj Ugovor se smatra zaključenim danom obostranog potpisivanja.

Član 14.

Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka, za svoje potrebe.

DOBAVLJAČ:

Direktor:

Broj: 12 127/2018
Sarajevo, 19.11.2018. godine

KUPAC:

**Kantonalno tužilaštvo Kantona Sarajevo
Glavna Kantonalna tužiteljica:**

Dalida Burzić

Broj: A-III-49/18-VI
Sarajevo, 19.11. 2018. godine